



सानसेयारि **“बड’सा”** ख्रीर्लाइयाव
ख्माज्यारि जिज्जो लोब्बा थानाय रायथाय, खन्थाय,
खल’, खल’बाथा आबो दावबायारि थावनि, पार्क
बाइदिनि स्थाय लिरनाय लिखिबां दैथाय ठर/
सानसेयारि **“बड’सा”** ख्रीर्लाइया खेबख्नाबै
फोस्वावगोन/
बड’सायाव लिख्ठरनायनि हुडा खालाम,
“बड’सा” ख्री नैथो, जौ बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 21 August, 2025 Kokrajhar, BTC, Assam ★ Vol.-35, Issue No.147 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

गाहाइ मन्थि, गिबि मन्थिआ 30 सान जोबथेसालियाव थायोब्ला बिबान एंगारनांगौ: मिरु सरकार

गोदान दिल्ली, 20 आगस्टः गाहाइ मन्थिआनो जाथो एबा गिबि मन्थिआनो जाथो एबा जायखि जाया मन्थिआनो जायाथो मानो सोरबा जुदि लान्थियै 30 सान जोबथेसालियाव जोबजानानै दोनजायोब्ला गाहाइ मन्थि, गिबि मन्थि एबा मन्थिखौब्लाबो बिबाननिफ्राय बोख्लायनाय जागोन। बुधबाराव बेबायदि मोनसे बिलखौ मिरु सरकारआ लक सभायाव दिख्दां। मिरु नख’र मन्थि अमित शाहआ दिने लक सभायाव बेरेखा दोलोफोरनि हेँथा होनायनि गेजेरावबो 130थि संबिजर सोदांनयनि बिलखौ



रायखाडे। बे सोदांनय बिलआ आइनआव महर मोन्याय लोगो लोगोनो जायखि जाया गाहाइ मन्थि, गिबि मन्थिजौ लोगोसे गुबुन जायखि जाया मन्थिफोरखोनो

जायखि जाया जाहोनावनो 30 साननिखुड बांसिन जोबथेसालियाव थानाडोब्ला बिबाननिफ्राय बोख्लायनाय जागोन। बेरेखा (□ 6 बिलाइआव)

तामुलपुरआव जनेल आरो सेक्टर बिबानगिरिफोरनो फोरेंथाइ होनाय हाबाफारि खुंदों



तामुलपुर, 20 आगस्टः तामुलपुर जिल्लानि सिडव थानाय महापुरुष श्रीमन्त शंकरदेव राइज्योआरि मेल जथुमसालियाव फँगौ बिटिसि

बिसायख’थिनि थाखाय दिने तामुलपुर जिल्लानि दरबा बिटिसि गौथुमार बियाबनि जनेल आरो सेक्टर बिबानगिरिफोरनि मोनसे

कच-राजवंशी सांग्रां समाजनि सांग्रांथियारि मेल



बासुगाव, 20 आगस्टः कच-राजवंशी हारिनि गेजेराव खौसेथि-गोरबलायनो हाये जानाय, खौसेथि जानाय, कच-राजवंशी हारिनि गुबे मोन्थाइनि सायाव खौसे जानाय, कच-राजवंशी हारिनि आरिसु-हारिमुखौ मुलुग लांगोनायाव लांनाय, सोलौंथाइआरि बिथिडाव सिगांलां होनायजौ लोगोसे फँगौ बिटिसि बिसायख’थियाव फकिराग्राम, थुरिबारि, गुमा, मथनगुरि, दिहरा बायदि दरबा गौथुमार बियाबआव कच-राजवंशी हारियारिनो जाय दोलोआ बिजाथि गथायगोन; बे दोलौनि बिजाथिखौ कच-राजवंशी समाजआ आबुडे हेफाजाब होगोन। बेफोर माखासे जर’खा आयदाफारिफोरखौ लानानै कक्राझार जिल्लानि कालीपुखुरीआव दिने खुंनय मोनसे जर’खा मेलआव (□ 6 बिलाइआव)

बिटिसिआव बे खेबआव बिजेपिआ सरकार दाफुंगोनः दिप्लु रन्जन शर्मा सा 300 निफ्रायबो बांसिन सुबुंफोरा बिजेपि दोलोआव हाबदों

कक्राझार, 20 आगस्टः ‘आपकी बार बिटिआर मे भाजपा सरकार’ बे दाबिखौ खालामदों राइज्योयारि बिजेपिनि गाहाइ नेहाथारि एबा कक्राझार जिल्लानि दोलोआरि नायसंगिरि दिप्लु रन्जन शर्माआ। मिथिनो मोन्याय बायदिब्ला कक्राझार सहरनि साखांथियाव थानाय एबा सालाकाति बियाबनि बेंखनआव थानाय कालिफुखिनि राइज्योयारि भवनआव खुंफुनाय दोलोआव हाबनाय मोनसे हाबाफारियाव बाहागो लानानै बिथाडा खौर बिजोनि सिगाडाव बे बिबुंथिखौ लखियो। बिथाडा बुडे बिटिसिनि नोगोरारिफोरा सोलायनाय हास्थायदों। बेनिखायनो जेसेबानो बिटिसि बिसायख’थिनि सानआ खाथिनिफ्राय खाथि सफेदों एसेबानो बिटिसिनि नोगोरारिफोरनि गेजेराव बिजेपि दोलोनि फारसे



अन्साइनाया बांलांदों होन्नानै गासैबो थाखोनि मावफारियाफोरनि अबदान हेफाजाबआव बिजेपि दोलोआ बिटिआरआव गोहो गोर महर मोननो हादों। बिथाडा बिजेपिनि निति आदर्शनि फारसे गोसो गेलेमनानै सालाकातिनि गोबां राइजो-राजाफोरानो बिजेपिआव हाबनायनि बाश्नाखौ फोरमायदों। बे हाबाफारियाव सालाकाति बियाबाव बिजेपिखो मिजिंथिनानिखुडबो बांसिन गोहो

गोर जाबाय होन्नानै दाबि दिख्दांदों। बिजेपिनि दैदेनगिरिया बिटिसियाव बे खेबआव 1 नं गोहो गोर महर मोनगोन होन्नानै बे खेबआव बिटिसियाव बिजेपिनि सरकार दाफुंजागोनआ 100 जौखौन्दो होन्ना दाबि दिख्दांदों। गिबि मन्थि ङ हिमन्त बिश्व शर्माआ बिटिसियाव सोमोन्थावै सुबुंफोरनि सान्याय-हनाय, हास्थायनायफोरा सोलायनो हमबाय होन्ना (□ 6 बिलाइआव)

हारि दाफुंनयनि लामाया मैनोरोडे साहस आरो फोथायथिनि सायाव जानांगौ: गिबि मन्थि

गिबि मन्थिआ सतिया साननि हाबाफारियाव बाहागो लादों

दिसपुर, 20 आगस्टः गिबि मन्थि ङ हिमन्त बिश्व शर्माआ दिने सतिया गोजौसिन गेजेरारि फरायसालिनि गेवलां गेलेगा फोथाराव गिबि खेबनि थाखाय सरकारजौ खुंफुंजानाय सतिया साननि हाबाफारियाव बाहागो लायो। 1942 माइथायनि 20 आगस्टआव सतिया थानाखौ बेदिंनानै माहारियारि फिर्फिला बिरहोनायनि देरहासारनायखौ गोसोखानानै बे सतिया सानखौ फालिनाय जादों। बेजौ लोगोसेनो दिनेनै बे दावबायनाय समाव गिबि मन्थिआ जारिमिनारि सतिया थाना आरो बेनि सोरगिदिं थानाय



ओन्सोलखौ दावबायथिलि महर होनायनि थंखिजौ 5 कौटि रं खरसा खालामनानै लुफुंजानो गोनां बिथिखिनि अन्थाय खाम्फा गाइसनो। 1913 माइथायावनो गाइसनजानाय थानानि जारिमिनारि न’खौ खौर लाहैनायजौ लोगोसेनो हादरनि उदांरि सोमावसारनायनि जोहोलाव मुंखलफोरनो गोसो गोबौ सिंनिफ्राय मान बाउयो। बे हाबाफारियाव बाहागो लानानै गिबि मन्थिआ जारिमिनारि, हारिसुआरि आरो मिथिगायारि नुथाइजौ बुंफबनाय सतियाआ (□ 6 बिलाइआव)

इउपिपिएल-बिपिएफनि खौसेथिखौ लानानै जेब्लायबो मिजिंथिनाया गोनांथार : रेनगोरा नार्जरी

बाक्सानि सालबारियाव फरायसालिनि सोरगिदिं पाकानि वाल बेखेवदों



सालबारि, 20 आगस्टः दुलायय बर’ फरायसा आफादजौ लोगोसे गासै मोन 16 बर’ माहारियारि आफादफोरनि हांखायनायाव इउपिपिएल-बिपिएफ नि खौसेथिखौ लानानै जेब्लायबो दाजाबथाइ मिजिं लानाया गोनांथार। बिटिआरनि सरसन्सा नोगोरारिफोर गोजोन खौसेथिखौसो (□ 6 बिलाइआव)

गोलाव बोसोरनि उनाव लामानि जेंनाया बोस्त्रां जासिगोन

बिटिसि बाउबुंग्रि बियाबनि नायेकगाव कमलाबागान- खपापाराआव कालभार्त लुनायनि अन्थाइ खाम्फा गायसदों



कक्राझार, 20 आगस्टः गोजौ-गाहाय हाजो, गोथां सोमखोर हाग्रा ओन्सोल, हाजो सारि-सारि, दैसा, नार कमला बागान, थालि बफानि बागान, सारि-सारि गय-फाथै बागान, आनारस, थाइजौ, खान्थाल, हाइजै, हान्दे आबादनि अनगायैबो हाजोनि आफां ओन्सोलआव माइ आबाद मावनायजौ समायना मिथिगायारि नंगुबे थादसारियाव जिउ खोनाय नायेकगावनि कमलाबागान खपापारा ओन्सोलआ गासैबो बिथिडावनो नेवसिजानाय गोथौ ओन्सोल। मानोना बे ओन्सोलआव हान्था-मेलानि मोजां रहा गैया। नाथाय बिटिसिनि (□ 6 बिलाइआव)

माहारियारि बक्सिं बादायलायनायाव आंरनि नेहा फौडेलआ रुपानि मेडेल देहदों

उदालगुरि, 20 आगस्टः ब्रैथि साब-जुनियर माहारियारि बक्सिंआव रुपा मेडेल देरहानानै उदालगुरि जिल्लानि सिडव थानाय आंरनि नेहा फौडेलखौ राइज्यो बिजेपिनि आफादगिरि दिलीप शइकियानि जानानै माजबतानि लाइमोन दैदेनगिरि किशर शर्माआ राइज्योनि थाखाय मुंदांखा, गोम्गा होनाय नेहा फौडेलखौ बराय मान



बाउनायजौ लोगोसे गर्बा फरायसा (□ 6 बिलाइआव)

फैगौ बिटिसि बिसायख’थियाव बिपिएफखौ हेफाजाब होगोन सिब सेना

बिपिएफ दोलोआ सिब सेनाखौ गोजोन्नायजौ साबायख’र बाउदों




केएसिनि बुंथिगिरिआ बिलासपुर ओन्सोलआव दावबायनानै लुजाबाय थानाय मन्दिरफोरखौ नायसदों



बासुगाव, 20 आगस्टः कमतापुर अटनमास कार्डिन्सल (केएसि) निफ्राय गथायनाय रंजौ लुबाय थानाय बडाइगाव जिल्लानि सिमनायाव थानाय एबा केएसिनि सिडव थानाय बिलासपुर आन्सोल नासरकुतिनि श्री श्री पण्णम दौल मन्दिर लुनायनि सोमोन्दै मोननै हान्जानि गेजेराव गोसो गोरबलायै जानायखौ फोजोबनायनि (□ 6 बिलाइआव)

राइज्योआ जेहादि मौलबादिफोरनि गिदिंग्रा थावनि महर मोनबायः हिन्दु सुरक्षा सेना

गुवाहाटी, 20 आगस्टः धुबुरी जिल्लानि गवालपारायाव एनआइआरनि नायबिजिसंनयाव पाकिस्ताननि दुथां उतखारि हान्जा जइस-इ-महम्मदनि दैदेनगिरि हमजानायखौ बराय आसामनि हिन्दु सुरक्षा सेनाआ। दिने मोनसे खौरं बिबुंसारनि गेजेरजौ सेनानि मिरु गौथुमनि गाहाइ नेहाथारि कान्सन नाथ आरो मिरु नेहाथारि मितुन दासआ फोरमायदोंदि, दासान्दि, आसामा जेहादिफोरनि गिदिंथिग्रा थावनि महर मोनबाय। थोनाय बोसोरनि 12 डिसेम्बराव भारतजौ बेन खालामजानाय उदखारि आफाद जइस-इ-महम्मद हान्जानि साहानुर आलम, जयनाल



आबेदिन, साहानुर इस्लाम, आबु थालेब मुनि साब्रै दुथां मौलबादि दैदेनगिरिफोरखौ हमनारनि अनगायैबो थोनाय बोसोराव आफां आसामाव गासै सा 20 निखुडबो बांसिन मौलबादि जेहादिफोरखौ हमनायजौ गोबां हाथियार बोखानो हानाया बेखोनो रोखा फोरमायदोंदि, सोदयै इस्लामिक मौलबादि जेहादिफोरा आसामाव गावसोरनि बिथिखौ गोहो गोर खालामनायजौ गोखौ नेटवार्क सोरजिदों। आफां आसामनि बायदि जिल्लाफोरव बांलादेशि सुबुंफोरनि गोबां सुबुं थानाय ओन्सोलफोरव जेहादिफोर गावसोरनि (□ 6 बिलाइआव)

सुजुगिरिनि खोलोम

बर'हारिमु आरो औवा

बर'याव फंसे राव दड- उन्दैयाव सि गानो, देरोब्ला लंथं जायो-। औवा। बर'नि जिउ खुंनायाव एंगरजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनोबो हागौ बर'फोरनाव औवानि हारिमुवा एग्रे-बेग्रे। बाथौ थानसालि दुमनायनिफ्राय लानानै ओखि जानाय मेवाइ, न'बां लुनाय जेरावबो औवा नडाब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थर्खा, सेन्त्राय, जेखाइ, खबाइ, बोरसि दान्दा; मैहुरनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सागं, दानाय-लुनायनि सोरखि, दाङनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिङि जेरावबो जेरैबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडाब्लानो बर'नि हारिमुया आबुं महर नुजाया।

औवानि बेफोर गुन आरो गोनांथिखौ नाइनानै आथिकालाव औवानि आबाद खालामनो जोथोन लानांसिगौ। औवानि बेसेन बारायगलाबनो लानायाव बारिनि औवा सुबाखौ दानगलुंनानै लांदां खालामनो लानायाव जोनि ओन्सोलनि गामिफ्रा औवा बारिजों ग्रोम ग्रोममोनब्लाबो आंखाल नुजाहांबाय। बेखायनो औवानि गोनांथिया बर' हारिमुयाव गोनांथार नोजोरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासान्दि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदों औवानि गोनांथिखौ नायनानै।

बेराफासै इयुन जोलैनो बर'नि औवा हारिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजै-आइला हेबनाय-दान्नायनि ट्रेइनि सेन्टार गायसन्नायनि गोनांथि दंसै

दिनैनि फान्जामुधि

राशि बाइदियै मुंनि गिबि हांखो

मेघः अ ल	बृषः ऊ ब (उ ए इ)	मिथुनः क छ (ङ घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ज झ)

मेघः

मानिबा थाखाय रां खरसा जानो हागौ। गोसोखौ शान्ति मोन्नाय नडा।

बृषः

दिनैनि दिनाव गोथार खामानि मावनानै लानो हागोन। बे राशिनि थाखाय गाहाम सान।

मिथुनः

नख'र संसार जानायाव गोबां रांखावरि खहा जानो हागौ। गोसोखौ हमथा।

कर्कटः

नख'रनि सुबुंजों दावराव-दावसिफोर जानो हागौ। गावसालायनाय फैनो हागौ। गोसोखौ हमथा।

सिंहः

दिनैनि दिनाव सान्नाय-हनायफोर फेलें थानो हागौ। मोजां खामानिखौ मावनो नाङ।

कन्याः

हरखाबै माबाफोर मुवा-बेसाद मोनो हागौ। गोसोखौ गोजोन मोनगोन। मोजां सान।

तुलाः

मोजां खामानि मावनानै बयखौबो गोजोन होनो हागोन। फारफ्रोमबो मोजां।

वृश्चिकः

माबाफोर मुवा-बेसाद गोमा जानो हागौ। सांग्रां जानानै थानागोन।

धनुः

फालांगि मावनायाव खहाफोर जानो हागौ। जेखि मावा सांग्राडै मावनांगोन।

मकरः

मोजां खामानियाव आगान सुरनो हागोन। दिनैनि सानआ शुभ सम।

कुम्भः

मानिबा जाहोननि थाखाय रां खहा जानो हागौ। गोसोखौ शान्ति मोन्नाय नडा।

मीनः

सोलोंथायनि गियानआ बांलांगोन। गोजोनै सम बारहोनो हागोन। मोजां सान।

भानु अत्रीआ ब्रिटिस र्येल नेभिनि गिबि हिन्दु पुजारी जाबाय

ब्रिटेन, 20 आगस्ट : ब्रिटेननि र्येल नेभिआ गावनि गिबि हिन्दु पुजारीखौ थिसनबाय। बे हिन्दु पुजारीनि मुझ भानु अत्रीआ हिन्दु धोरोमनि सिदान्तफोरनि सायाव बिथा खालामनाय लोगो नेभि बिबानगिरिफोरखौ धोरोमारि हेफाजाब होनायनि मावख'यारि बिफाव लाग्रा गिबि खूष्यन नडै सुबुं। गाहायै हिमाचल प्रदेशनि थागिबि भानु अत्रीआ थांनाय सप्ताहआव गुबुन नेभि केडेटफोरजों लोगोसे माखासे आलादा कर्स खालामनायनि उनाव गावनि गोदान बिफावखौ सामलायो। भानु अत्रीआ 6 सप्ताहनि बिबानगिरि ट्रेनि लायो, जेराव दावहारु जाहाज एइचएमएस आयरन ड्युकआव 4 सप्तासिम लैथोमायाव

मणिपुर-पुलिसआ जर-जुलुमै रां लानाय आरो हाथियार खावनायनि दायाव सा 3 केसिपि केडारखौ ग्रेप्टार खालामो

इम्फल, 20 आगस्ट : मणिपुर पुलिसा मिरुयारि सान्थ्रियारि पुजारीनि लोगोसे हाथियारफोर खावनायनि रां दाबिनो थाखाय लांखारनाय आरो गुबुन दायनिगिरि हाबाफारियाव लोब्लानि थाखाय होबथाजानाय कांलेपक कम्प्युटिनि पार्टी (केसिपि) नि सा 3 सोद्रोमाफोरखौ ग्रेप्टार खालामो। मणिपुर पुलिस कन्ट्रूल रुमनि बायदिब्ला, थांनाय मंगलबारखालि उगाही आरो राइज्योआव गुबुन दायनिगिरिफोरजों लोब्बा गोनां सुबुंफोरखौ हमनो थाखाय



गोदान दिल्ली, 20 आगस्ट: जिय'आ बावयैसो सिगां गावसोरनि 249 रांनि पपुलार प्लान्टखौ बन्द' खालामदोंमोन, जायनि उनाव आथिखालाव भारती एयारटेलआबो गावसोरनि मोनसे पपुलार प्रीपेड रिचार्ज प्लानखौ बन्द' खालामो।

नामाजनि समाव मस्जिदनि सायाव गाग्लोबनायाव सा 27 सुबुंफोरनि जिउ खहा

अबुजा, 20 आगस्ट: अबुजा-नायजिरियानि सा-सोनाबारि राइज्यो कर्टसिनानि उंगवान मन्ताऊ ओन्सोलाव थांनाय मंगलबारखालि फुंनि बै समाव खारगलुं-खारसि जोमजियो, जेब्ला सिनाय मोनै हाथियार लाग्राफोय गंसे मस्जद सायाव गाग्लोबो। बे गाग्लोबनायाव खमैब्लाबो सा 27 सुबुंफोरनि जिउ गोमायो। बे गाग्लोबनाया फुनि नामाजनि समाव जायो, जेब्ला गोबां अनजिमार्नि सुबुंफोरा इबादतयाव दंफायोमोन। जायगानि खुंथायनि बायदिब्ला, रावबो आफादआ दासिमबो बे गाग्लोबनायनि बिबान लायाखै। नाथाय बे ओन्सोलाव

मणिपुर पुलिसआ सासे सुबुंजों लोगोसे होबथा जानाय कडीन फस्फेटनि गं 288 बथल जब्द' खालामदों

इम्फल, 20 आगस्ट: मणिपुरनि इम्फल सोनाब जिल्ला पुलिसनि जर'खा कामान्डफोरा नारकटिक एफेयर्स आरो बर्डर पुलिसनि मदतजों मंगलबाराव सासे सुबुंखौ खायो आरो सिंजामेइ पुलिस थाना ओन्सोलनि सिङव आइन बेरेखा फेग्रा मुवा, कडीन फस्फेटनि गं 288 बथलफोरखौ जब्द' खालामो। हमजानाय सुबुंनि सिनायथिखौ क्वाकेथेल निंथेमकलनि 34 बोसोर बैसोनि क्षेत्रीमायुम नावबा होन्ना मिबथिनाय जादों, बिथांखौ इम्फल बिरखं गाथोन रडआव इम्फल फरायसालिमानि साखाथियाव गंसे ई-रिक्शा (Regd. No. MN01A/J9o4o), जायखौ अजद होनाय बायदिदै आइन बेरेखा बेसादफोरखौ रोगानायाव बाहायनाय जादोंमोन। बिबानगिरिफोरा फोरमायनाय बायदिब्ला, होबथाजानाय सिरापखौ माब्लाबा-माब्लाबा गोब्राब फेग्रा मुवा सोबग्राफोरजों गोब्राब मुलिफोरनि सोलायै गाज्जि



गोथाडै थानायनि ट्रेनि आरो 3 सप्ताहनि सान्थ्रियारि पुजारीनि बिफावनि सायाव बिथा खालामनाय ट्रेनिङा दंफायोमोन। बे हान्ज्नायाव गिबि हिन्दु पुजारी जानाया मोनसे सन्माननि बाश्ना। भानु अत्रीनि जाफुंसारनायनि सायाव हिमाचल प्रदेशनि गिबि मन्थ्रि सुखविन्दर सिंह शुख्लाआ



माखासे जायगाफोराव संगालि खौरांनि सायाव बिथा खालामनानै बेंखनो आरो नागिरनाय हाबाफारि सालायो। ग्रेप्टार खालामनाय सुबुंफोरनि

गेजेराव सापम सुरेन्द्र मेइतेइ (27) आरो थाइनाअबा सिक्थ माखा लेइकाइखौ सान्जा इम्फल जिल्लानि खाथियाव थानाय मिनुथं दालांनि खाथियाव हमो। अदेबानि प्राइभेट टेलिकम कम्पानी एयारटेलआबो गावसोरनि 249 रांनि एन्ट्री-लेभेल रिचार्ज प्लानखौ बन्द' खालामो। बे प्रिपेड प्लानआव कम्पानीया सानफ्रोमबो हाइ-स्पिड इन्टारनेट, आनलिमिटेड कलिं आरो सानफ्रोमबो 100 एसएमएसजों लोगोसे माखासे बेनिफिटस होगासिनो दडमोन। आथिखालाव बे बेनिफिटसनि थाखाय बाहायगिरिफोरा एसे बांसिन रां होनांगोन। एयारटेल थेक्स एपयाव मोनसे नटिसयाव रोखा जायोदि, बे प्लानखौ आथिखालाव 10 आगस्टनि हरनि 12:00 रिंगानिफ्राय 249 रांनि रिचार्जखौ बन्द' खालामनाय जासिगोन होन्ना फोरमायो। अदेबानि बे प्लानआ खम भेलिडिटियावबो डेटा बेनिफिटस आरो कलिंनि सुबिधा होगासिनो दड। बेयो बाहायग्राफोरनि गेजेराव बयनिखूइ बांसिन पपुलार रिचार्ज प्लान्सफोरनि गेजेराव मोनसेमोन।



आबादारिफोर आरो चखाहफोरनि गेजेराव हा आरो दैखौ लानानै गोलाव समनिफ्रायनो जेंना सोलिबोबाय थादों। मिडिया रिपर्टनि बायदिब्ला, सम-सम बे जेंनानि जाहोनाव हिंसायारि दाङ-बाजि आरो बुथारलायनाय बे जाबाय थायो। बेराफासै बे केसआव जेंना बांनायखौ नोजोर

लाखिनानै राइज्योनि कमिसनार नाक्सि मुआजुआ फोरमायोदि, गाग्लोबनायनि उनाव सान्थ्रि आरो पुलिसखौ ओन्सोलाव थिसनो, जाहाथे उनाव बेबादि गाग्लोबनायफोरखौ होबथानो हायो। बिथांनि बायदिब्ला, अखानि बोथोराव हाथियार लाग्राफोरा आबादथिलिनि



महरै बाहायनाय जायो। नायबिजिरनायाव मिबथिनो मोनोदि, नावबाआ राइज्योनि गुबुन गुबुन जायगाफोराव रान्नो थाखाय आइन बेरेखायै बथलफोरखौ इम्फल शहराव लाबोदोंमोन। बिथांनि बेरेखायै मोनसे केस थिसन्ना बिजिरसालियाव गथायनाय जायो।

AFFIDAVIT

I, **BULI BASUMATARY**, aged about **38** years, W/O.- Dhiraj Basumatary, D/O.- Late Ganesh Ch. Mashahary, a resident of village- Khargaon under P.O., P.S. & Dist.- Kokrajhar, BTC, Assam, Pin No.- 783370, do hereby solemnly affirm and declare as follows:-

- That lam an Indian citizen by birth and residing at above noted address permanently.
- That my deceased father actual and correct name and surname is **GANESH CH. MASHAHARY**, which is recorded in his some relevant documents.
- That in the land document of my deceased father coved by Dag No. **486**, Patta No. **264**, situated at village- Khargaon under Kokrajhar Revenue Circle, wherein my deceased father name and surname has been wrongly recorded as **GANESH BASUMATARY** in place of **GANESH CH. MASHAHARY**.
- That, I do hereby declare that **GANESH CH. MASHAHARY** and **GANESH BASUMATARY** is the same and one identical person none other but my deceased father.
- That, this declaration is singed and sworn by me to submit before the concerning authority to prove the above-mentioned facts to correction/rectification and avoid any confusion regarding my deceased father name and surname as stated above and for doing needful purposes accordingly.

That, all the statements made in this affidavit from para 1 to 5 above are true to the best of my knowledge and belief.

AFFIDAVIT

I, **MASUKA ROY**, aged about **29** years, D/O.- Late Anup Kumar Roy, by nationality- Indian, a permanent resident of Hatimatha, W/No. 8, P.O.- Kokrajhar, P.S. & District- Kokrajhar, BTR, Assam, do hereby solemnly affirm and declare as follows:-

- THAT, I am a resident of above noted address and bona-fide citizen of India by birth.
- THAT, my deceased grand-mother's father's/ my great grand father's actual and correct name & surname is **SACHIN BRAHMA** which is recorded in his Land's Chitha Copy, covered by Dag no. **4107, 4108, 4110, 4111, 4112**, Patta no. **485** situated at Hatimatha, W/No.-8 under Kokrajhar Revenue Circle.
- THAT, in my deceased grand mother's Death Certificate namely **PRIO BALA BRAHMA**, Vide Regd. No.- **D-2019:18-90253-000537**, **Dated: 31/12/2019** issued by Joint Director of Health Services, Dist.-Kokrajhar, where in my deceased grand mother's father name and surname has been recorded as **MERGA KOCHARY** in place of his actual and correct name and surname **SACHIN BRAHMA**.
- THAT, I do hereby declare that **SACHIN BRAHMA** and **MERGA KOCHARY** is the same and one identical person i.e. my deceased grand mother's father's/ my great grand father's and none other else.
- THAT, I am swearing this affidavit to ascertain the above facts and to avoid the rectification/ correction regarding my deceased grand mother's father's/ my great grand father's name & surname as stated above and to produce the same before the concerning authority for doing needful purpose accordingly.

The above statements are true to the best of my knowledge, belief and information and nothing has been concealed therein.

AFFIDAVIT

I, **SAIM MANDAL**, aged about **25** years, S/O. Late Amjad Ali Mandal, by nationality - Indian, a resident of **Village- Mokrapara**, P.O. K/Bhotgaon under P.S. & Dist. Kokrajhar, BTR, Assam, PIN- **783370**, do hereby solemnly affirm and declare as follows:-

- That, I am the bona-fide citizen of India by birth and permanent resident of above mentioned address.
- That, my actual/correct name and surname is **SAIM MANDAL**, which is recorded in my all relevant documents.
- That, in my Aadhar Card, bearing Card No.- **2352 8293 8691**, wherein my name and surname has been recorded as **SAHMEWASH MANDAL** instead of **SAIM MANDAL**.
- That, I do hereby declare that both named **SAIM MANDAL** and **SAHMEWASH MANDAL** is the same and one identical person, who is none other but myself.
- That, this declaration is made by me as a piece of documentary evidence to submit it before the concerning authority to avoid the confusion and also to rectify/correction regarding my name and surname as stated above and for doing needful purposes accordingly.

The above statements made in para 1 to 5 of this declaration are true to the best of my knowledge, belief and information.

मेघालयनि गार' फोलेरा दिल्लीयाव गार'लेन्ड राइज्योनि दाबि दिखांनायखौ दिन्थिदों

गुवाहाटी, 20 अगस्त : मेघालयनि गार' फोलेरनि थान्दैफोरा मोनसे आलादा गार'लेन्ड राइज्योनि थाखाय गावसोरनि गोलाव समनिक्रायनो सोलिबोबाय थानाय दाबि दैखांनायखौ माहारियारि राजथावनियाव लाना थानानै दिन्थिदों। गार'लेन्ड राइज्यो सोमावसारग। कमिटि (जिएसएमसि) नि सोद्रोमाफोर, जायखौ मावफुं आफादगिरि बल्करि च मारकआ दैदेन्दों, बिसोर मंगलबार (19 अगस्त खालि ट्राइबल बिथिफोरनि मिरुयारि मन्थि जुआल अरमजों लोगो हमनानै मोनसे गोसोखां बिलाइ दिन्थियो, जेराव संबिजिरनि आर्टिकल 3 नि गेजेरजों गार'लेन्ड दानो दाबि दैखांनाय जादों, जाय संसदनो गोदान राइज्यो दानो आरो



थाखानाय राइज्योनि सिमनाफोरखौ दाफिननो मोन्थाइ होयो। गुबुन जिएसएमसि थान्दैफोरनि गेजेरव फोसावदिं नेहाथारि चेतीबार्थ ककनाल, हेफाजाबगिरिफोर गाहाइ नेहाथारि टनि बाल्सम च

माइक, मावफुं सोद्रोमा अमरेश च मारक आरो नेहाथारि जेसन टेकरंआ दंफायोमोन। सुलुनि जिएसएमसि थान्दैफोरनि गेजेरव फोसावदिं नेहाथारि चेतीबार्थ ककनाल, हेफाजाबगिरिफोर गाहाइ नेहाथारि टनि बाल्सम च

खुंथाइनि समाव मोनसे आलादा जोनोम हादत दानो गिबि खेब दाबि दैखांनायमोन। थांखिनाय गार'लेन्ड राइज्योआ मेघालयनि सोनाब खावसे बाहगोखौ कभार खालामगोन, जेराव राइज्योनि मोन 60 बिधान सभा सिटफोरनि गेजेरव मोन 25 आ दंफायो।

मुम्बाइयाव गोबां अखा हानायजों थांनाय 24 घन्टायाव सा 6 सुबुंफोरनि जिउ गोमादों

गोदान दिल्ली, 20 अगस्त: मुम्बाइयाव गोबां अखाया सुबुंफोरनि गेजेरव अलखद जानानै फैदों। बेनि गेजेरजों इन्डिया एयारलाइन्सआ मोनसे जर'खा ट्रेभेल एडभाइजारि फोसावो। कम्पानीया बुडोदि, अखा हानायनि जाहोनाव उरां जाहाज हान्था-मेलायाव गोहोम गोग्लैनायनि अलखद दड। इन्डिगआ एडभाइजारियाव बुडोदि, गाव गावनि फ्लइटनि शेड्युलखौ सिगाडावनो नायबिजिरनांगौ। महाराष्ट्र अलखद सामलायग्रा बिफाननि बायदिल्ला, थांनाय 24 घन्टायाव अखा आरो दै बानाजों सा 6 सुबुंफोरनि जिउ गोमाखांबाय। बेराफासं नांदड जिल्लायाव सा 5 सुबुंफोरा गोमाना दड, जेराव दै बाना बायदि थासारि सोमजियो। एसडिआरएफआ



नांदेडनि मुखेड तालुकानिक्राय सा 293 सुबुंफोरखौ रेस्क्यु खालामो। थांनाय 24 घन्टायाव बीडयाव सारसे, मुम्बाइयाव सारसे थैयो आरो सा 3 जोखोम जायो। बेराफासं नांदेडयाव साब्रै सुबुंफोरनि

जिउ गोमायो आरो साबाया गोमाना दड। फारसेथिं गोबां अखांनि गेजेरजों मुम्बाइ मनरेलाव सा 582

दावबायारिफोरखौ रेस्क्यु खालामो। बिसोरनि गेजेरव सा 23 दावबायारिफोरनि हां लानायाव जेना सोमजियो।

आसामनि मरिगाव जोबथेसालिनिफ्राय सानै केदिफोर खारखुमादों



गुवाहाटी, 20 अगस्त: मरिगाव जिल्ला जोबथेसालियाव रैखाथिनि सोमोन्दै फिन खेबसेबाव जिंगा सिनाय सोमजिदों, जेब्ला सानै केदिफोरा थांनाय मंगलबार हराव रहस्य गोनां थासारियाव खारनायाव जाफुंसारनो हायो। खारखुमानाय केदिफोरखौ जियारुल इस्लाम आरो सुभ्रत सरकार मुडै सिनायथि होदों, जायफोरा आथिखालाव खारखुमाना दड, जायजों जोबथेसालि सामलायनायाव फेलें जानायखौ लानानै गोदान सोंथि दिखांदों। बेयो बे सुबिधायाव बेबायदि गिबि केस नडा। 10 दाननि सिगां साबा केदिफोरा जोबथेसालिनि वालखौ सिफायनानै खारदोंमोन आरो बिसोरनि गेजेरव सानैखौ दिनैसिमबो मोनफि नाखै। आथिखालाव खारग'नाय जाथाया जोबथेसालिनि लोरबां नेम-खांथिखौ सोराडाव लाबोयो। बे जरासे केदिआ जोबथेसालि बिबानगिरिफोरनि सांग्रांथि गैथैनि मुलाम्फा लादों जानांगौ आरो आथिखालाव मोनसे मावख'आरि नायबिजिरनाया दासिमबो बिसोरनि खारनायनि सैथो थासारिफोरनि खौरांखौ मोन्नो हायाखै। पुलिसआ गोमानाय केदिफोरखौ मिबथिनो थाखाय मोनसे मैहुर खालामनाय हाबाफारि जागायो आरो गागि बिबानगिरिफोरा खोथा होयोदि, रैखाथियाव फेलें जानायनि थाखाय दाय मोनग्राफोरनि हेंथायै गोखोडै नायबिजिरनाय जागोन।

गाजायाव दावहा दोन्थ 'नाय थांखिखौ हामासआ गनायना लादों



यरुशालेम, 20 अगस्त: गाजा पट्टीयाव दावहा दोन्थ 'नाय थांखिनि सायाव हामासनि फिन्नायखौ इजराइलआ नायबिजिरगासिनो दड। बे थांखियाव 60 साननि दावहाखौ दोन्थ 'नायनि अनगायैबो खावसे जोबथेना लाखिजानायफोरखौ हगारनायनि बाश्रायाबो दड। बेनि सोलायै इजराइलआ जेलाव जोबथेना दोन्थ 'नाय माखासे फिलिस्ताइनफोरखौ हगारगोन। मिस्त्रनि बिबानगिरिफोर थांनाय समबारखालि फोरमायदोंमोनदि, हामासआ गोदान थांखिखौ गनायना लाबाय। गाजायाव 22

दाननिक्राय सोलिबोबाय थानाय दावहाया दासिमाव 62 रोजानिखुइ बांसिनि फिलिस्ताइनफोरनि जिउ गोमायो। सानै बिबानगिरिफोरा मंगलबारखालि फोरमायोदि, इजराइलआ बे थांखिनि सायाव हामासनि फिन्नायखौ नायबिजिरगासिनो दड। बेनि गेजेरजों मिस्त्र आरो कातारआ आमेरिकानि मदतआव दावहा दोन्थ 'नाय रादायनि सायाव गासै बाहागोफोरनि गेजेरव सावरायनायखौ जागायफिन्नो नाजायो। बेनि गेजेरजों हामासनि सारसे बिबानगिरिया फोरमायोदि,

बे थांखियाव सा 200 फिलिस्ताइन केदिफोरखौ हगारनाया दंफायो, जायफोरा इजराइलनि जेलाव जोबथेना दड। बेनि सोलायै गाजानिक्राय सा 10 जोबथोना लाखिजानायफोरखौ हगारनाय जागोन। मिस्त्रनि मोन्दै रैखाथि सुलुफोर फोरमायोदि, हामासआ गाजानि रोजा-रोजा केदिफोरखौ हगारसोबो दाबि दैखांदों। बे थांखियाव गाजानिक्राय इजराइलनि सान्थिफोरखौ खावसे लाबोफिन्नायाबो दंफायो, जायफोरा ओन्सोलनि गासै 75 जोखोन्डो बाहागोयाव कन्ट्रल खालामना दड। बेयाव सुबुंथियारि हेफाजाबखौ बांहोनयनिबो बाश्रा दड। मानोना गाजायाव गासै 20 लाख सुबुंफोरा उखैहाबनायजों मोगा-मोगि जानांगोसिनो दड। सुलुडव फोरमायनाय बादिल्ला, बे थांखिया आमेरिकानि जर'खा थान्दै स्टीव विटकफनि फारसेनिक्राय दिन्थिनाय बिथांखिनि महर, जायखौ इजराइलआ गनायना लादोंमोन।

पाकिस्तानाव दै बानाजों जिउ गोमानाय सुबुंफोरनि अनजिमाया बांदों

इस्लामाबाद, 20 अगस्त: पाकिस्तानाव लान्थियै अखा



हाबाय थानाय आरो बेनि जाउनाव दै बानायाव थैनायनि अनजिमाया बानानै सा 706 जाहैबाय। थासारिखौ नोजोर होनानै सान्थिफोरा सामलायदों। सान्थिफोरा दै बानाजों बांसिनि गोहोम गोर्लैनाय ओन्सोलफोराव अलखद

अपारेसनखौ गोखोंसिन खालामदों। पाकिस्ताननि माहारियारि अलखद सामलाय आफाद (एनडिएएम) आ मिबथिहोयोदि, थांनाय 24 घन्टानि गेजेरव गासै सा 24 सुबुंफोरनि जिउ गोमादों। 26 जुननिक्राय दासिमाव जिउ

गोमानाय सुबुंफोरनि अनजिमाया बानानै सा 706 सिम जाहैबाय। थासारिया बेसेबां गिबिंथाव बेखौ दै बानानि जाथायाव जोखोम जानाय सुबुंफोरनि अनजिमाया बानानै सा 965 जाबाय। एनडिएएमनि बायदिल्ला, खैबर

पखुनखायाव बांसिनि गोहोम गोर्लैदों, जेराव दासिमाव सा 427 सुबुंफोरनि जिउ गोमाबाय। बेनि उनाव पान्जाब ओन्सोलाव सा 164, सिन्धुआव सा 29, बलुचिस्तानाव सा 22, पाकिस्ताननि आवगिना लानाय काश्मीरआव सा 56 आरो इस्लामाबाद ओन्सोलाव सा 8 सुबुंफोरा जिउ गोमादों। खौरनि बायदिल्ला, सान्थिनि बुंथिगिरि लेफ्टिनेन्ट जेनेरेल अहमद शरिफ चौधरिआ बुडोदि, सान्थिफोर रैखाथि अपारेसनखौ गोखोंसिन खालामदों। खैबर-पखुनखायाव मोन 9 रैखाथि केम्पनि गेजेरजों सा 6,903 सुबुंफोरखौ रैखा खालामनाय जायो आरो बिसोरखौ फाहामथायनि थाखाय सिबिथाय होनाय जायो।

1971 आव पाकिस्तान सान्थिफोरा लाख-लाख आइजोफोरखौ आथोनारि उतखार खालामदोंमोन

नियुर्क, 20 अगस्त: भारतआ पाकिस्तानखौ गिदिर जौसाडव बाश्रा खोनासंहोनाया गिबि खेब नडा। आथोनारि उतखारि हिंसायारि जाथार्यनि सायाव इउएन रैखाथि परिषदनि खुलायै दान्थे-बिदाथेयाव भारतनि फारसेनिक्राय बाश्रा दान्थेनानै इउएनआव भारतनि अरायथा मिशन मेथ्यु पन्नुसआ पाकिस्ताननो आइन दिन्थियो। बिथाड बुडोदि, 1971 आव बै समनि सान्जा पाकिस्तानाव पाकिस्ताननि सान्थिफोरा जैरेबादियै लाख-लाख आइजोफोरनि हेंथायै आथोनारि उतखार खालामदों, बेयो थारैनो लाजिंथाव। बे सोंखारिआथाव जाथाया दिनैबो बेरकटक आरो बेखौफयाव सोलिगासिनो दड। सुलुनि बायदिल्ला, दिनैबो पाकिस्ताननि सिन्ध आरो पान्जाब ओन्सोलाव साननि समावनो हिन्जावसाफोरखौ लांखारनाय जायो। बिथाड बुंबावोदि, आथोनारि उतखारिजों सोमोन्डो थानाय हिंसा नि दायनिगिरिफोरखौ गोखों रावफोरजों सोंखारिनांगौ आरो बिसोरखौ बिजिरनायनि बेंखनाव लाबोनांगौ। बिथानि बायदिल्ला पाकिस्तानाव



धोरम आरो हारियारि बाडइ सुबुं सानखो फोलेरफोरनि हेंथायै इनाय-आनागारनि हाथियार महरै रोजा-रोजा लोरबां आइजो आरो हिन्जावसाफोरखौ लांखारनाय, सिखाव खावनाय, उदैयाव जुलि आरो जरजुलुमै धोरम सोलायहोनाय बायदि खौरांफोरखौ बावैसो सिगां फोसावनाय अइससिएसआर रिप्टफोरवबो थिसनाय जादों।



BODOLAND TERRITORIAL COUNCIL
Bodofa Nwgrwr, Kokrajhar

BEWARE OF FAKE WORK ORDERS

It has been reported that some miscreants and vested interest groups are circulating fake work orders in the name of the Bodoland Territorial Council (BTC) with the sole intention of misleading people and tarnishing the image of the Council.

All concerned are **strictly advised not to trust or act upon any such documents.**

STAY VIGILANT - VERIFY BEFORE YOU TRUST

When in doubt, please verify directly with the concerned Secretary, Bodoland Territorial Council or the concerned Head of the Department.

For verification, please email at btcpirchd@gmail.com

REPORT SUSPICIOUS ACTIVITY

Help us combat fraud by reporting any suspicious work orders immediately.

LEGAL WARNING

Any person or group found involved in creating or circulating such fake work orders will be prosecuted and will be liable for legal action.

BTC committed to transparency & public safety

IPR(BTC)/D/2025-26/91 - Published in public interest by IPRD, BTC

No.BDB/Tender/46/2023-24/9631

Date 18/08/2025

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of Class-I (A, B & C), Class-II & Class-III category of Assam PWD (Roads & Building) and BTC according to their eligibility for submitting tenders for the works under the Award of 6th ASFC-1st Inst. For the f/y 2024-25 during 2025-26 BTR Kokrajhar as stated below. The tenders will be received by the undersigned up to 2.00PM on 11/9/25 and will be opened on the next date (as on 15/9/25) & place at 2.30 PM.

Sl. No.	Name of activity	Estd. Value (in Lakhs)	Tender Value	EMD/Bid Security (in Rs)	Cost of Tender paper (in Rs.)	Pre-bid date and Time	Last date & time of bid submission	Date & Time of bid opening	Time of completion of Work
1	Const. of Sand gravelling road from Fakir Ali House to Dalal Chowk	7.00L	7,00,000/-	(for 1% ST/SC) 2% (for General)	210	23/8/25	11/9/25	15/9/25	6 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 23/8/25 to 15/9/25 up to 1.30 PM. in the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar.

Sd/-
Block Development Officer,
Bhergaon Dev. Block, Bhergaon

IPR(BTC)/C/2025-26/2755

No. BDB/6th ASFC(Tender)/2024-25/Pt.7/7

Dated Borobazar, the 12th August, 2025

NOTICE INVITING TENDER (NIT)
Tender No. 12 of 2024-25

Sealed tender affixing a non refundable court fee stamp of Rs. 8.25 (Rupees eight & paise twenty-five) only with a validity period 180 days which will be subsequently to be covered and drawn up in the printed of F-2 Form are invited from the registered contractor Class-I (A, B, C) & Class-II categories, Assam PWD (Road & Bridge) against following 5 nos Work/ Scheme under 6th ASFC for the year 2021-22 (1st Inst.) and during 2025 -26 as stated below.

Package No.	Name of the work	Bid Value (in Rs.)	Earnest Money/ Bid Security (in Rs.)		Cost of Bid
			General category	Reserved category	
1/5	Const. of road with E/F and S/G at Simaguri Mainao LP school	1900000.00	38000.00	19000.00	950.00
2/5	Const. of road with E/F and S/G from Biswadep Daimari house to Jayanta Daimari house at No 2 Bashbari	1900000.00	38000.00	19000.00	950.00
3/5	Const. of road with E/F and S/G from Sainasiguri village to Upen house	1900000.00	38000.00	19000.00	950.00
4/5	Const. of road with E/F and S/G from Charen Brahma house to Danda Brahma house	1900000.00	38000.00	19000.00	950.00
5/5	Const. of road with E/F and S/G at No 1 Bashbari to Goibari village	1900000.00	38000.00	19000.00	950.00

- Date of issue of Bid Document: 13/07/2025
- Last date of issue and submission of Bid Document: 02/09/2025 up to 2.00 PM
- Date of opening of Bid: 02/09/2025 at 2.30 PM

Detail NIT may be seen in all working days during office hours in the office of the undersigned. In case the office remain close on tender issuing/ receiving/opening date the same will be issued/received/opened on the next working day.

Sd/-
Block Development Officer,
Borobazar T.D. Block

IPR(BTC)/C/2025-26/2752

दुखुनि हांमा

मानो नागार लांखो
नों समायना.... ?
खोथा गैया बाश्रा गैया
दाय गैया फोदै गैया
नेवसि लांबाय नों आंखौ
अन्थाइ बिखायै।
इसेल ’ नडमोन आंनि
नोंखौ अन्नाया
नंखाइ नडमोन आंनि
नोंखौ हास्थायनाया
खेला नडमोन नोंखौ
मोजां मोनन्नाया।
बै समनि नोंनि बुंनाय
रावखौ गोसो खाडै-खाडै
सान हर मेगनाव मोदै
खुगायाव खुदै सोमजि
होबाय नों दिने
नाथाय नोंबो इसेबां
गिदिर समाय लानायखौ
गियाखिसै नामा... ?
नेवसिनो सानोब्ला
मानोथो मोजां मोना
समायना... ? ?
नों आंखौ अन्थाइ
बिखायै नागरलांबाय
समायना..... !!!
गालांबाय नों
आंखौ बे संसाराव
हारसिडै रावबो
गैला आंहा बे
संसाराव आंगो
होननाय.....!!!!

श्री देहासार ब्रह्म
गमि- गसाइगाव मालागुरि
शाखो-मेटिक आन्जाद

फैदो जों बयबो खौसेयै

जेराव अनलायनाय फोथायलायनाय गैया
बेवहाय गोजेन्नाय थाया
जेराव खौसेथि गैया
बेवहाय जौगानाय थाया।
बेखायनो मुलुग संसारनि
दुलाराय बर हारिआनो
फैदों जों बयबो खौसेयै।
अनलायनायनि माला सुजुदिनि
अनलायनायनि माला सुजुना
गावनि गाव अनसेमाजों
फैदों जों बयबो खौसेयै।
गासै बर हारिमा लामा दोंसेयाव
गावजों गाव फोथायथिखौ
दिदोम दाद खालामना
फैदों जों बयबो खौसेयै।
हारि महरै नखर खुंलादिनि
थार गियानखौ आर्जिना
गोदान मुगानि सोलोंथाय बादायलायनायनि
गेजेरजों फैदों जों बयबो खौसेयै।
सोलोंथायनि गियान लास्रोदिनि
सोलोंथायनि गियानजों
गावनो गाव बुजिलायनायनि
गेजेरजों दुलाराय बर हारियानो।
खौसेथि सुजुदिनि गासैबो बर’ हारियानो
दोंसे लामाजों आगान सुरदिनि
फैदो फै बर’ हारियानो खौसेथि जाफिनदिनि
दुलाराय बर हारियानो राइजोखौ लाइफिनदिनि

प्रदीप कुमार बसुमतारि
हेल गोजौ फरायसालि
ला:सो:-गंडिया
जिल्ला:-कक्राझार

रंजालि गथ’फोरनि सौरा

इशोर

इशोर आं नोंखौ
खुलुमो सिबियो अराय सम
अराय दिन गले गले।
आरज गाबो आं
सम सम नोंखौ गोसोखां
गोसोखां फुं मोना।
हास्थायो आं नोंखौ
मोन्नो अराय खाथियाव।
लुबैयो आं नोंनि
अन्नाय आरो अनसायनाय
अरायबो नोंनिफ्राय।
अनसायहरदो गसाय
नोंनि थायनै मेगनजों
आंखौ नायहरनानै।
लानो होदो गसाय
नोंनि खाथियाव आंनो
गोजोन देरा।

अभिनास बसुमतारि
सामथाइबारी

दादुरा सैमा

गोजानायनि जारलायाव लान्जाय फायश्रमनानै
उन्दुना दङ
सोरबा अर सायलांनाय हांगार खाथियाव।
सोरनिबा मोदोमा दादु जानाय बिगुर गैयै
लंथं –लंथं खारगासिनो दङ मेंनाय बानायखौ
नागारनानै।
लामा सेरनि बै जाबोर दामोलाव
दाखुरा सैमाया उदैनि जारलायाव.....
आवथालि फावथालि समाइना भावजों
अरलु गसिनो दङ
थरसे मानिबा गोरान हारा,
सोरबा अरसिनो नाजादों जुथा गिजिखौनो
माबाफोर गैयै जुनारनि गेसाव बिगुर सान्नानै,
थरथिसे मिलौदो बिदै मोनजानायनि आसायाव
सोरनिबा खाफालाव बेबो गैबाबा,
खायसे गावजों गाव अरलायदों।
खबसे आदारनि थाखाय
बरादनि लिरनायाव खायसे सैमाया.....
मानसि महरयै गाखो लांफादों
सोरनिबा जिबसि गारियाव,
सिउ-सिउ बुदेर फानाय गारिनि बारा
गोजां होबावदोमोन दादु जानाय बै सैमाखौ।
गावसिनि हावरिया सैमाफोरखौ नुनानै
जंखायलांदों गारि सानिफ्राय!
बाइ बाइ दस्त।

खাতारी जौटि
कक्राझार मिउजिक एन्ड
फाइन आर्ट कलेज

सिमां

सोरां जेन्नायनि आलाय आरनाव
बायदि गाबनि गोमो-गोजा रिथिखांबाय
आंनि भुम लांगोनायाव ;
आगर गुबैनि रोमोदो दखना गान्नानै
साद-दान्दालि रिसम खानायखौ हगारसारना,
मंगलिया गाबनि जारौ खाफालाव गोजा फोथा थुना
महि सुरद’-सुरद’ नुजाथि फैबाय नों अनजालि
संसारखौ सोरां होफैबाय ;
नोंनि महरखौ नुनानै मुहिनि नांबाय
गोसोआ आंनि खामगिल लाछे नोंनि सायाव
बैसागनि सिमब्रेनाय बारजों सिरिलाडो
गोरलै बिलाय सहायनो हाया ;
फुंबिलिनि जायख्खं समायना गोजों मिजिं
जोमोननि दागलाबसे जोमै
खोबथे फैना खालामबाय आनलेद।
फागुनिनि जावलिया बारजों मानदार मोनहाबो
बोदोर जायो-
आंनि गोसोआबो मानिबा सिमां नुयो।
सोरगोनि अलंबार नों अराय मुहिना
गोरबो गावो, हासथायो बाबलि गोसोआ
Dirty (दाखोरबारि) निफ्राय माबोरै मोनहरनो!
समाया-मदरा आंदि Compare (रुजु)जाथावा।
सोरां जेन्नायनिफ्राय अनजालि साना
बराय-बराय लांथोंसै सोनाब रुबैसिम
जीउनि आंगो सान्नाय मोखां फांथेनानै
बे रुगुं फारसे दिडाखौ जावलांनो
सानलावरिआ दाखाय-दाखाय थिनबाय।
(Hearty) गोबोंजों मोजां मोन्नाया अलंबार रजे
नोंनि खोरोम खोरोम सारअनथाय गावनायाव
गोसोखौ लोरबां-थोरबां खालामलांना
मानोबा गिदिं फिनो बे लामाजों फैया नों ;
गोसोआव दाजाब-दानख’ जाबावक्ला
गार्लि लां खेब-खेब मोदोम साजों
आं लामानि अनथाय।
सान हाबनायनि सिगां आं खावलायो अलंबार
मिथिस्लाबै नोंनि जेआव गोग्लैना
दोंसे खन्थाय सुजुनायाव गोरोन्थि जादोंब्ला
निमाहा होदो!गोमो-गोथां सान्नाय गैया।
फुरनिमा नोंखौ गोसो थोनाया
नोंखौ हासथायनाया जुगे-जुगे थाबाय थागोन
दाखोर बारियावबो गोमोर लाछ।
हादि रजे.....
गैयादि रजे नोंनि अनगायै
थिनहरदों गिरिया दिन्थिनो संसाराव
नोंनि आंनि भावथिना गोसो मोनसेनि।
खोम्सि मुलुगाखौ गाप्लेम-गाप्लेम
लाबोगोन आं नोनि सोरांखौ
हायो-हाया नेनानै थाबाय आंगो देरायाव.....

बिजयसिं बसुमतारि
कक्राझार कलेज



गोदान दिल्ली, 12 आगस्ट: भारतआव आलादा आलादा रोखेमनि हजार-हजार फुल मोन्नाय जायो। जाय आबहावाखौ समाय होनायजों लोगोसेनो दावबायारिनि गोसोखौ बोनो हानायनिबो हाबा मावो। जुदि गोदान जायगाफोराव दावबायनो गोसो जादोंब्ला मोन 5 फुलफोरनि हायेनआव दावबाय हैनो हागोन। बेफोर जादों-

1. सिक्किमनि युमथांग हायेनआ मिथिंगाखौ मोजां मोनग्राफोरनि थाखाय सोरगोफुरि बादि। जुदि बिजि जिउ खुंनायनिफ्राय जानगाराव थानो गोसो जादोंब्ला सिक्किमनि युमथांग हायेनआव दावबाय



हैनो हागोन। बे हायेनआ लैथोमानिफ्राय 3596 मिटर गोजौयाव दं। बे हायेनआव गोबां मोजां फुलफोर, याक आरो दुंबुद बोहैनाय दै बाज्रुमखौ नुनो मोनगोन। बेवहाय सिनकिउफइस्ल, रडुनइन्स, आइरिस, पपिस, लासवार्ट, प्राइमरसेस आरो कब्रा लिलिसजों लोगोसे गसिबो रोखेमनि गुबुन हादतनि बिबारखौ नुनो मोनगोन। बे हायेनआव शिंगबा रडुन्ड्र पार्कबो दं। बेवहाय 24 रोखेमनिफ्राय ब्रांसिन बिबारफोरखौ नुनो मोनगोन।

2. महाराष्ट्रनि कास पठारखौ गोमोथाव बिबार बारिनि जायगाबो बुंनाय जायो। मानोना बे गोमोथाव जायगानि मुझ कास फुलजों मिलायो, जाय बेवहाय मोन्नो हानाय सरासनसा बिबार बादि, बेयो



इउनेस्कनिफ्राय बिस्व धरहर जायगा मुडै फोसाव जादों। बे पठारआव फुलफोरनि 850 निफ्राय ब्रांसिन रोखेमनि बिबारखौ मोन्नाय जायो, जेराव अर्किड, टुथब्रास अर्किड, भारतीय अरारट, दीपकाडी फुल, उष्णकटिबन्धीय सुन्ड, वाइ तुरा आरो माखासे गुबुन गुबुन रोखेमनि बिबारफोरा दंफादेरो। समायना बिबारफोर थानाय बे हायेनखौ पुनेनिफ्राय 3 घन्टा कारजों दावबायनानै मोनहैनो हागोन। जुदि बे पठारआव दावबाय हैयोब्ला खाथिनि कास बिली, बजराइ आरो वघर दै बाज्रुमावबो दावबाय हैनो हागोन।

3. केरलानि मुन्नर हायेनखौ गोदान जुलि जाजेन्नाय जराफोरा गोबां मोजां मोनो। बे हायेनआ



सोर्गोफुरि बादि। जुदि आगस्ट दानाव बेवहाय दावबाय हैब्ला नीलकुरिन्जी मुंनि लेबेन्डर गाबनि फुलजों लोगोसे सोमखोर हाग्राजों बुंफबनाय फोथारखौबो नुनो मोनगोन। बे बिबारा 12 बोसोरनि उनाव खनसेल’ बारो। बे बोसोराव बे बिबारा फिन खनसेबाव बारदों। बे बिबारनि बिगायाननि मुझ फ्रोस्ट्रिबलेट्टेस कुनथिआन जायखौ मलयालम मुडैबो मोनथिनो मोन्नाय जायो।

4. उत्तरखान्डनि बिबारनि हायेनआ भारतआव बयबो सुबुंफोर अनसाय जानाय हायेनफोरनि गेजेराव मोनसे। बेवहाय सौहैनो थाखाय उत्तरखान्डनि गबिन्दघाट गामिनिफ्राय 17 कि:मि: लामाखौ दावबाय नांगोन। बे बिबारनि हायेनआ नन्दा देबि बायस्फीयार रिजार्भनि बाहागो। बेयो इउनेस्कनि वाल्ड



नेटवार्क अफ बायस्फीयार रिजार्भनि गेजेराव मोनसे। बेवहाय हिमालयी मेफ्लु, ब्लु हिमालयान पस्पी, ब्रह्मकमल, मेरिगाल्ड, रडुन्ड्र, डेजि, प्राइमुलस, अर्किड आरो वालक कबरा लिलीजों लोगोसे बिफां लाइफांजों बुंफबना थानाय मोनसे गिदिर रेन्खौ नुनो मोनगोन। जुदि बिबारनि हायेनआव दावबाय हैब्ला खाथियावनो थानाय हेमकुन्ड साहिब गुरुद्वारा आरो नन्दा देबि नेसनेल पार्कखौबो दावबाय हैनो हागोन।

5. नागालेन्डनि जुकउ हायेनआ गोबां बिबारफोरजों बुंफबनाय। बेयो लैथोमा बोरिमानिफ्राय 2452 मिटर गोजौआव दं। हादत आरो गुबुन हादतनि मोजां मोनथि जोबयाखै। बे हायेनआ नागालेन्ड-मणिपुर सिमानि खाथियाव दं। बे हायेनआव डजुकौ लिली मुंनि बिबार बारि। बे बिबारखौ नागालेन्डआवल’ मोन्नाय जायो। बे बिबारनि अनगायै बेवहाय एकनिटम, इउफर बियास रडुन्ड्रन आरो गुबुन हारिनि बिबारखौबो नुनो मोनगोन।□

दिल्लीनि गिबि मन्थ्रिनि सायाव गाग्लोबनायनि गासै बाथ्राफोरखौ साखि थानाय सुबुंफोरा फोरमायदों

गोदान दिल्ली, 20 आगस्ट : राजथावनि दिल्लीयाव गिबि मन्थ्रि रेखा गुप्तानि सायाव जनसुनवाइनि समाव माबोरै गाग्लोबा। बेखौ लानानै मोनसे खौरां बिजोनि हान्जाया जनसुनवाइआव थानाय नुग्रा एबा साखि मुकेश पाल, नवनीत कुमार आरो सन्जयजों सावरायदों। बेनि गेजेरजों मुकेशआ गासै जाथाइखौ फोरमायो। मुकेशनि फोरमायनाय बायदिल्ला, गिबि मन्थ्रि रेखा गुप्ताआ दिनैबो सिगां समफोरनि बायदि जनसुनवाइनि समाव सुबुंफोरनि अजद दैखांनायफोरखौ गोसो होनानै खेनासंगासिनो दडमोन। गासै 8:30 रिंगायाव जॉनियाव राजेश मुनि सुबुंनि नाम्बारा फैयो आरो बियो आखायाव लेखा बिलाइ लानानै गोखैयै सिएम रेखा गुप्ताहनि टेबोल खाथियाव सौहैयो। बियो सिएमनि सायाव



हरखाबै गाग्लोबो, मानोना दायनिगिरि आरो सिएम रेखानि एसेल' जन्थाइ दडमोन। मुकेश पालआ दायनिगिरिया गोखोडै साजा मोनांगौ होन्ना बुडो। बेराफारसे दैनिक जागरणनि खौरांगिरि शाकिबआ जनसुवाइआव थानाय नवनी तकुमार आरो सन्जयजों सावरायो। दायनिगिरिया सिएमनि खानाय हमनानै बिखौ सोबादों होन्ना सन्जयआ

फोरमायो। आथिखालाव दिल्ली पुलिसआ दायनिगिरि राजेश फंबाय खिमजीखौ जिम्मायाव लाबाय आरो बिनियाव जेरा सेबगासिनो दं। जेरा सेबनायनि गेजेरजों दायनिगिरि राजेशआ बे जाथाइखौ मानो खालामा बे बाथ्राया सोरांआव फैगोन। पुलिसनि बायदिल्ला, दायनिगिरि राजेशनि बैसोया 41 बोसोर आरो बियो गुजरातनि राजकच सहरनि थागिबि।

भारतीय गाहाइ सायख'गिरि अजित आगरकरआ शुभमन गिलनि सायाव माखासे बाथ्रा फोरमायदों

गोदान दिल्ली, 20 आगस्ट: भारतीय क्रिकेट हान्जानि गाहाइ सायख'गिरि अजित आगरकरआ बुंदोंदि, शुभमन गिलखौ इउ.ए.इ.आव जानो गोनां एशिया काप 2025 नि थाखाय टी-20 हान्जायाव सोफानाय जादोंब्लाबो, बिथाड गावनो गाव प्लेइ-11 नि बाहागो जानाय नड। बिथाड कच आरो केप्टेनखौ बिथांखौ सोफादेरनायनि सोमोन्दै थिरांथा लानो गनायथि होगोन। सायख'गिरिफोरा टेस्ट टीमनि के प्टेन शुभमन गिलखौ हान्जायाव सोफाना मोनसे गिदिर सोमोनांथाव खालामदों, जदिउबो बिथाड बावैसो सिगां ह्वाइट बलनि मेचफोराव बाहागो लानो हायाखैमोन। आगरकरआ रोखा खालामदों दि, बिथांनि गैयैआ गुबुन-गुबुन महरफोरनि गेजेराव



मोनसे समफारि गोरोबलायैनि जाहोनावमोन। बिथां गैयैनि समाव सन्जु सेमसन आरो अभिषेक शर्माखौ खाबु होनाय जादोंमोन आरो बिसोरो जोबोद मोजाडैदिन्थिफुंदोंमोन। गिलआ अक्षर पटेलनिफ्राय लेड्डाइ-केप्टेन महरै बिबान लादोंमोन, अब्ला आगरकरआ बेखौ रोखा नड, केप्टेन आरो

50-अभारनि टीमफोरजों गावनि बिबाननि थाखाय गोबां टी-20 मेचफोर गेलेनो हायाखैमोन। जेब्ला बेखौ सौनाय जादोंमोन दि, गिलआ लेड्डाइ-केप्टेन महरै थोंजोडै प्लेइ-11 आव फैफिनो नामा, अब्ला आगरकरआ बेखौ रोखा नड, केप्टेन आरो

कचआ हान्जानि थाखाय बयनिखुइ साबसिन समानथिनि सायाव थिरांथा लागोन। जेब्ला जों दुबाइआव सौहैगोन अब्ला जोंहा बांसिन रोखाथि जागोन। दानिया गोबां अपसन दं। शुभमनआ थानाय माखासे दानफोरनिफ्राय जोबोद मोजा फर्मआव दं। सनजुआबो बेबादिनो दं। बेनिखायनो अभिषेकजों लोगोसे बिसोर सानैआ मोजां राहा। यशस्वी जायसवालखौ गाहाइ हान्जानिफ्राय बोखारनायनि सोमोन्दै गाहाइ सायख'गिरिआ फोरमायदों दि, बिथांखौ बोखारनाया दुखुनांथाव। यशस्वी जायसवालनि सोमोन्दै बेयो फिन खेबसेबाव दुखुनांथाव। अभिषेक शर्माआ थानाय माखासे दानफोराव एबा बै बोसोराव मोजाडैदिन्थिफुंदों,

जाय बोसोराव बिथाड हान्जाजों दंमोन। बेजों लोगोसे बिथांनि एसे बलिं खालामनो हानाय गोहोआ जोंनो मोनसे राहा होयो जुदि केप्टेननो बेनि गोनांथि जायो। बिसोरनि गेजेराव सासे गेलेगिरिया जेब्लाबो मिस आउट जानो थांगासिनो दंमोन। बेयो खालि दुखुनांथाव दि यशस्वीआ गावनि खाबुखौ नेनांनो हागौ। श्रेयसनि थाखाय जों बिथांनि थाखाय सासे सोलायनाय नागिरनो हायो। बेयो बिथांनि गोरोस्थि नड आरो बेयो जॉनिबो नड। आगरकरआ बुंदोंदि, गुबै बाथ्राया बेनोदि जों खालि सा 15 गेलेगिरिफोरखौल' सायख'नो हायो आरो दानि थाखाय बिथाड गावनि खाबुनि थाखाय गोसो हमथानो गोनां जानो हागौ।

हरमनप्रीत कौरआ आइसिसि अमेन अडिआइ वर्ल्ड कापआव केप्टेन महरै हान्जाखौ दैदेनगोन



गोदान दिल्ली, 20 आगस्ट: हरमनप्रीत कौरआ आइसिसि अमेन्स अडिआइ वर्ल्ड कापआव गिबि खेबनि थाखाय भारतखौ दैदेनगोन। जेराव स्मृति माध्नाआ लेड्डाइ केप्टेन महरै हान्जायाव दड। बान्जायगिरिफोरा 30 सेप्टेम्बरनिफ्राय जागायजेन्नाय बे हाबाफारनि थाखाय 15 सोद्रोमानि मोनसे गोखों हान्जा फोसावदों। अपेनार शेंफाली भर्माखौ टीमनिफ्राय मख'जाथाव बोखारनाय जादों। फारसेथिं फास्ट

बलार रेणुका ठाकुरआ गोलाव सम दुखु मोन्नायनि उनाव 15 सोद्रोमानि हान्जायाव फैफिनो। पुजा भस्त्रकारआ मोनसे नारसिन्नाय दुखु मोन्नायनि जाहोनाव हान्जानि थाखाय गेलेनो हायाखैमोन, हान्जा सामलायगिरिया अमनजत कौरखौ जाफुंसार महरै सासे आखा-फाखा सोलायनाय मोननो हादोंमोन। अमनजतआ आथिखालाव अस्ट्रेलियाआव भारत-ए टीमनि बाहागो आरो

बिथांजोखौ वर्ल्ड काप हान्जायाव सोफानाय जागोनखौ केप्टेन हरमनप्रीतआ बिसिसिआइनि गाहाइ मावख'आव खौरां मेलआव रोखा खालामदों। अलराउन्डरआ इलेन्ड दावबायनायनि टी-20 बाहागोनि समाव नैथि सीम बलार महरै खामानि मावदोंमोन, जायखौ भारतआ 3-2 जों देरहादोंमोन। बै फारियाव सीम डिलीभारी खालामनाय आरो 13 अभारआव साथाम उड्केट लानायनि अनगायैबो अमनजतआ मोनसे गोहोम गोनां मैच देरहानाय 63 रानबो बानायदोंमोन आरो मोनसे जुजिबाय थानाय इर्निसखौ दिदोम खालामदोंमोन। जेब्लानो बिसोरो गाहाइ आयदानि खाथियाव सौहैयो हरमनप्रीत आरो हान्जाया

श्रीलंकायाव खुंजानाय मोनसे थाम खनायारि सिरिजआव देरहानायजों गोहो गोनां जायो, जेराव खोला आफ्रिकायाबो दंमोन। लोगोसे इलेन्डआव मोनसे गिदिर फारि देरहानाय। भारतआ बे बोसोरनि टुर्नमेन्टआव टूफीनि थाखाय गोजौसिन दाबिगिरिफोरनि गेजेख सासे महरै गावसोरनि फोथाराव हाबगोन, थेवब्लाबो बिथांमोनहा स्त्रि खेबनि चेम्पियन अस्ट्रेलिया आरो खेबब्रै देरहागिरि इलेन्डनिफ्राय गोखों बादायलायनायजों मोगा-मोगि जागोन, मानोना भारतआ गावनि गिबि वर्ल्ड काप बिमुंखौ रैखा खालामनो थांखि लादों। अमेन इन ब्लुआ 2017 मायथाइयाव गावसोरनि दिन्थिफुंनायनि रुजुनायाव बे बोसोरनि टुर्नमेन्टआव आरोबाव दावगालानो थांखि लागासिनो दं, जेब्ला बिसोरो गावनि नैथि आइजो क्रिकेट वर्ल्ड कापनि फाइनलाव सौहैदोंमोन। नाथय लर्डसआव मोनसे गोसो गुदुं जोबनायाव इलेन्डजों एसेआवनो फेजेनजादोंमोन। भारतआ 30 सेप्टेम्बराव बेंगालुरुनि एम. चिन्नास्वामी स्टेडियामाव श्रीलंकानि हेंथायै गावसोरनि केम्पेइन्खौ जागायगोन।

सिनसिनाटी, 20 आगस्ट: इगा स्वियाटेकआ समबारआव जेस्मिन पाअलिनीखौ 7-5, 6-4 स्करजों फेजेन्नानै गावनि गिबि सिनसिनाटी अपेन बिमुं देरहायो, जेराव पलिशनि थामथि सिडआ इउ.एस. अपेननि थियारिआव मोनसे गोखों खौरां होयो। 6थि खेबनि ग्रेन्ड स्लेम सेम्पियनआ बिमुं देरहानायनि लामायाव मोनसेबो सेट खोमायाखैमोन आरो फाइनलआव थि मोन, गावनि गासै मोनद'ब्रेक पइन्टफोरखौ सोलायना गावनि 11थि डब्लिउटिए-1000 बिमुंखौ रैखा खालामदोंमोन आरो थानाय बोसोरनि इटालियान अपेननि उनाव बिथांनि गिबि खेबमोन। बिथांजोआ आथिखालाव डब्लिउटिए-1000 महरनि जारिमिनआव नैथि बयनिखुइबो जाफुंसार गेलेगिरि, खालि सेरेना उडलियम्सनि उनाव जाय 23 देरहादोंमोन। स्वियाटेकआ बुंदोंदि, आं आनि हान्जाखौ साबायख'र बावनो लुबेदों। आं रोखा नड दि, आं मानो बै टुर्नामेन्टफोराव जाफुंसार जानो हादोंमोन, जाय आंनि दिन्थिफुंनायनि थाखाय आंनि मिर्जिथिनायनि बेलायाव जोबथा बादायलायनायफोर जों



रोखोमसेमोन। सासे गेलेगिरि महरै साबसिन खालामनो आरो बेफोर गोखै बिखंफोरजों गोरोबनो थाखाय आंखौ नारसिननायनि थाखाय नोथां मोनखौ साबायखर। आं गोमोदों आरो जोबोद गोजोन्नाय मोनदों। पाअलिनीआ गोखोडै जागायजेन्दोंमोन, 3-0 जों सिगालांदोंमोन आरो स्वियाटेकखौ खेबनै साभं खोमानायनि खैफोदआव खोखैदों। जिखिजायामानो, स्वियाटेकआ मोनबा गेमनि फारिजों जुजिदोंमोन आरो गिबि सेटनि थाखाय सिबिथाय होनो गावनि गिबि खाबुखौ खोमानायनि उनावबो, गावनि नैथि नाजानायाव बेखौ रैखा

खालामदोंमोन। स्वियाटेकआ नैथि सेटआव गावनि गोखैथिखौ लाखिदोंमोन, 4-3 आव मोननै ब्रेक पइन्टखौ रैखा खालामदोंमोन। बनि सिगां फोथायनायजों मोनसे गेम बिमुंनिफ्राय गोजानाव थानो थाखाय साभं लाखिदों। बिथांजोआ गावनि गिबि खाबुआव मोनसे गोहोगोरा साभंजों देरहानो हादोंमोन, इटालिनि बेरेखायै गावनि गोरोन्थि गैयै रेकडखौ 6-0 आव फोसाबदों। देरहानाया

बानसयो दि, उडम्बलडन चेम्पियन स्वियाटेकआ मुलुगनि नैथि मासियाव फैफिनगोन, बेबादिनो फ्लशिंग मिडजआव बोसोरनि जोबथा ग्रेन्ड स्लेमनि थाखाय नैथि सिड आरजिगोन, जेराव हारसिं बादायलायनाया रबिबारनिफ्राय जागायगोन। स्वियाटेकआ बेखेवनाय इउ.एस. अपेन मिक्स जावजा बादायलायनायाव नर्वेनि केस्पर रुडजोंबो लोगो जानायनि मिर्जि थिजादों।

जौसे बोसोर सम जालांबाय अनजालि

बेसेबांबा गोबाव सम जालांबाय नोखौनो मोजां मोन्नायाबो गुबुन सिख्लाफोरखौ नुब्लानो हरखाब गोसो खाडो आं हर गेजेरनि पुर्णिमा अखाफोर बादि नौनि महर मुसिया आंनि गोसो गोर्बोआव जाखफैबाय थायो। बावनो हाया आं नौनि आफेल फिथाय बायदि जरासे खावलाइखौ, कम्प बारिनि प्रमिला गारदेनाव सानैजों गोबा लायै-लायै खोथा राइज्जलायनायखौ नों बावलांजोबबाय नामा अन्जालि आंहा दाबोनो गोसो खांब्ला जोंफुबाय थानाय अरखि बादिसो आंनि गोसोआ रागा जोंखाडो। आंहा बिखा सिडव दाबो दं, नौनि खोथा बाथ्राखौ नाथाय अन्जालि नौनि अनगा रावखौबो मोजां मोनफेराखैमोन। अन्जालि नोखौ लानानै आं आंनि थांखिखौ जाफुहोनो सान्दोंमोन। नाथाय आंनि सान्नाया बुरुलुबुथुरनि दैजों बुखार लांजाबाय मिथिसयै जायगायाव, जौसे बोसोर सम जालांबाय अन्जालि नोंजोंनो लोगो मोनलायैया।

थेमना मुसाहारी
गामि: भालुकझरा
जिल्ला: कक्राझार।

No.B/HFD/33/5/Auction/2101		Dated Kokrajhar the 20/08/2025	
SHORT SALE NOTICE			
Interested individuals and parties are hereby invited to participate in an open Auction Sale of 01 (One) no. Timber Lot (Lot No.HP/7(UC) of 2025-26) Comprising 2.357 m3 of unclaimed seized of Sal logs. The auction will be conducted on 21/08/2025 at the office of the Divisional Forest Officer, Haltugaon Division, Kokrajhar as per Auction Notice No.141, Dated: 20/08/2025.			
		Sd/- Divisional Forest Officer, Haltugaon Division, Kokrajhar	
IPR(BTC)/C/2025-26/2746			
No. TECH- 28/SE(R&B)/E-Tender/ 2019-20/111.		Dated Kokrajhar the 20.08.2025	
Intnlr No. 382 of 2025-26 PRESS NOJICE			
The Superintending Engineer PWD (R&B) Circle, Kokrajhar on behalf of the Governor of Assam invites bids from approved and eligible Contractors Registered with Public Works Department (Roads) Assam/Contractors registered with Bodoland Territorial Council in the category of Class-I (A.B&C), Class-II & III for the 5(five) No. of schemes/ works for bids amounting to Rs. 2.42.08.366.00 (Rupees <i>two</i> crore forty two lakh eight thousand three hundred sixty six) only.			
Details may be seen at website http://assamtenders.gov.in and also in the office of the undersigned during office hours.			
IPR(BTC)/C/2025-26/2768		Sd/- Superintending Engineer P.W.D.(R&B)Circle,Kokrajhar	
No. ACE-35/TECH/UD/L(R&B)/IFB/2018-19/523		Dated Kokrajhar the 20/08/2025	
Tender No. 53 of 2025-26. PRESS NOTICE			
The Addl. Chief Engineer cum Director, PWD, BTC, Kokrajhar invites bids on behalf of Governor of Assam for 02 (two) nos. of works under Infrastructure Development fund for the financial year 2025-26 under BTC area, total bids amount Rs. 1,52,58,872.00 (Approx.) from the eligible contractor registered under Class- II & I (A, B & C) category under PWD, (Building), Assam or BTC.			
Details may be seen at website http://assamtenders.gov.in and also at the office of the undersigned during office hours.			
IPR(BTC)/C/2025-26/2761		Sd/- Addl. Chief Engineer, Cum Director, PWD, Bodoland Territorial Council, Kokrajhar	
No. 12/ACE/PWD/BTC/2025-26/07		Dtd. Kokrajhar, the 20 th Aug., 2025	
Tender No. 52 of 2025-26 PRESS NOTICE INVITING TENDER			
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Building) or BTC for 03 (Three) Nos. of schemes in Kokrajhar District of BTC pertaining to PWD, Kokrajhar Dist. & Chirang Dist. Territorial Building Division, Kokrajhar for a total amount of Rs.6,44,21,853.00 (Rupees six crore forty-four lakh twenty-one thousand eight hundred & fifty-three) only (approx.).			
Details may be seen at the website www.assamtenders.gov.in and also in the office of the undersigned during office hours.			
IPR(BTC)/C/2025-26/2764		Sd/- Addl. Chief Engineer-cum Director, PWD, BTC, Kokrajhar.	

रसिया, इउक्रेन आरो आमेरिकानि जानो गोनां जथुम्माया जेनेभायाव जानो हागौ

गोदान दिल्ली, 20 आगस्ट: करना महामारिनि गिखंथाव दोहौ जेबनायनि उनाव मुलुगनि माखासे हादतआ दावहानि बेंखनाव फैदों। फेब्रुवारि 2022 आव रासियाआ इउक्रे ननि सायाव गाग्लोबदोंमोन। बे दावहाया सोलिबाय थानाय समावनो इजराइल आरो हामासनि गेजेराव दावहाया जागायो। बे दावहायाव इरानआबो बाहागो लादों, जायनि उनाव बे दावहाया इजराइलनि मुखव इरानआ हाबनो हमो। जेबनायाव आमेरिकायाबो इराननि सायाव एयार स्ट्राइक खालामो आरो मिडिल इस्टआव मुलुगनां दावहानि थासारि सोमजिनो हमो। थानाय माखासे समनिफ्राय सांथ्रियै जेना सोलिनायनि उनाव आथिखालाव, आमेरिकानि हादतगिरि डनाल्ड ट्रम्पआ मोनफ्रोम हादतफोरनि गेजेराव सिजफायार खालामनो



नाजागासिनो दड। जुदि बिथांनि नाजानायफोरा जाफुंसारो अब्ला मोनै सिजफायार जानायनि मिर्जि दड। 15 आगस्टखालि अलास्टआव ट्रम्प आरो पुतिननि लोगो हमलायनायनि उनाव ट्रम्पआ इउक्रेननि हादतगिरि जे लेन्स्कीजों लोगोसे इउरपियान हादतनि सा 7 दैदेनगिरिफोरजों जयै व्हाइट हाउसआव जथुम्मा खुडो। बेनि गेजेरजों जेलेन्स्कीआ रासिया, इउक्रेन आरो आमेरिकानि मोनथाम हादतनि जथुमानि थाखाय गनायथियो आरो बे

जथुम्माखौ थाबैनो जेनेभायाव नुनो हागौ। रासिया, इउक्रेन आरो आमेरिकानि सावरायलायनाया फैगौ 2 सप्ताहनि गेजेराव जेनेभायाव जानो हागौ। रासिया-इउक्रेन दावहा जागायनायनि उनाव गिबि खेब जेलेन्स्की आरो पुतिनआ बे जथुम्मायाव बाहागो लागोन। बे जथुम्मानि रादायानो जागोन रैखाथिनि गेरेन्ट, जेराव आमेरिकाया जेलेन्स्कीखौ इउक्रेननि रैखा खालामनायनि बाथ्रा होदों।

जथुम्माखौ थाबैनो जेनेभायाव नुनो हागौ। रासिया, इउक्रेन आरो आमेरिकानि सावरायलायनाया फैगौ 2 सप्ताहनि गेजेराव जेनेभायाव जानो हागौ। रासिया-इउक्रेन दावहा जागायनायनि उनाव गिबि खेब जेलेन्स्की आरो पुतिनआ बे जथुम्मायाव बाहागो लागोन। बे जथुम्मानि रादायानो जागोन रैखाथिनि गेरेन्ट, जेराव आमेरिकाया जेलेन्स्कीखौ इउक्रेननि रैखा खालामनायनि बाथ्रा होदों।

